

19	01	0001	19010001	6148		011	Drugi tekući rashodi	250.000
19	01	0001	19010001	8215		011	Nabavka stalnih sredstava u obliku prava	4.000

2. Ovaj zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-04-51216-1/20

31. decembra 2020. godine  
Sarajevo

Premijer  
**Mario Nenadić**, s. r.

### Ministarstvo privrede Kantona Sarajevo

Na osnovu člana 70. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 6. Pravilnika o postupcima u provođenju programa razvoja male privrede ("Službene novine Kantona Sarajevo", br. 17/16, 30/16, 42/16, 21/17 i 29/19), člana 1. stav (2) tačka c) i člana 2. stav (1) tačka d) Odluke o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe ("Službene novine Kantona Sarajevo", broj 18/20) i Odluke Vlade Kantona Sarajevo, broj 02-04-48417-4/20 od 03.12.2020. godine, kojom se daje saglasnost ministru Ministarstva privrede Kantona Sarajevo za formiranje Komisije za izbor korisnika sredstava po Javnom pozivu za dostavljanje prijava po osnovu programa: "Poticaj za unaprjeđenje IT preduzetništva u svrhu zapošljavanja", broj 07-05-11-30831-1/20 od 16.11.2020. godine ("Službene novine Kantona Sarajevo", broj 46/20), privremeni vršilac funkcije ministra Ministarstva privrede Kantona Sarajevo donosi

#### RJEŠENJE

#### O IMENOVANJU KOMISIJE ZA IZBOR KORISNIKA SREDSTAVA PO JAVNOM POZIVU ZA DOSTAVLJANJE PRIJAVA PO OSNOVU PROGRAMA: "POTICAJ ZA UNAPRJEĐENJE IT PREDUZETNIŠTVA U SVRHU ZAPOSŁJAVANJA", BROJ 07-05-11-30831-1/20 OD 16.11.2020. GODINE ("SLUŽBENE NOVINE KANTONA SARAJEVO", BROJ 46/20)

##### I

Imenuje se Komisija za izbor korisnika sredstava po Javnom pozivu za dostavljanje prijava po osnovu programa: "Poticaj za unaprjeđenje IT preduzetništva u svrhu zapošljavanja", broj 07-05-11-30831-1/20 od 16.11.2020. godine ("Službene novine Kantona Sarajevo", broj 46/20) (u daljnjem tekstu: Komisija), u sastavu:

1. Prof. dr. Muamer Halilbašić, vanjski saradnik iz reda akademske zajednice, predsjednik;
2. Prof. dr. Mehmed Avdagić, vanjski saradnik iz reda akademske zajednice, član;
3. Muamer Mulahasanović, Razvojni program ujedinjenih naroda (UNDP) u BiH, član;
4. Dženan Turalić, Razvojni program ujedinjenih naroda (UNDP) u BiH, član;
5. Edina Hodžić, Ured za borbu protiv korupcije i upravljanje kvalitetom Kantona Sarajevo, član;
6. Adnan Aganović, Ministarstvo privrede Kantona Sarajevo, član; i
7. Zlatan Mujak, Ministarstvo privrede Kantona Sarajevo, član.

Za lice koje će obavljati administrativno - tehničke poslove za potrebe Komisije imenuje se Zinaida Omerkadić, namještenik u Ministarstvu privrede Kantona Sarajevo.

##### II

Zadaci Komisije su da, u skladu sa odredbama Pravilnika o postupcima u provođenju programa razvoja male privrede ("Službene novine Kantona Sarajevo", br. 17/16, 30/16, 42/16, 21/17 i 29/19) i na osnovu propisanih kriterija iz Javnog poziva za dostavljanje prijava po osnovu programa: "Poticaj za unaprjeđenje IT preduzetništva u svrhu zapošljavanja", broj 07-05-11-30831-1/20 od 16.11.2020. godine ("Službene novine Kantona Sarajevo", broj 46/20) (u daljnjem tekstu: Javni poziv), obavi sve potrebne aktivnosti i sačini prijedlog korisnika poticajnih sredstava po Javnom pozivu.

##### III

Komisija je u svom radu odgovorna za primjenu svih pozitivnih zakonskih i podzakonskih propisa koji se odnose na dodjelu finansijskih sredstava poticaja.

##### IV

Komisija je na svojoj konstituirajućoj sjednici dužna usvojiti Poslovnik o radu Komisije.

##### V

Prije početka rada Komisije, predsjednik i članovi Komisije iz tačke I ovog Rješenja i lice koje obavlja administrativno-tehničke poslove za potrebe Komisije iz tačke I ovog Rješenja, potpisuju izjavu o nepristrasnosti, povjerljivosti i nepostojanju sukoba interesa, odnosno da su upoznati sa obavezom da tokom cijelog postupka rada u Komisiji su dužni prijaviti mogući sukob interesa i tražiti isključenje iz rada Komisije.

##### VI

Po završetku zadataka iz tačke II ovog Rješenja, Komisija je dužna sačiniti izvještaj o svom radu, sa prijedlogom korisnika poticajnih sredstava po Javnom pozivu i isti dostaviti ministru Ministarstva privrede Kantona Sarajevo, najkasnije do 23.12.2020. godine.

##### VII

Komisija će zadatke iz tačke II ovog Rješenja obavljati izvan radnog vremena, a visina naknade za rad Komisije bit će utvrđena posebnim rješenjem ministra Ministarstva privrede Kantona Sarajevo.

##### VIII

Ovo Rješenje stupa na snagu danom donošenja, a bit će objavljeno u "Službenim novinama Kantona Sarajevo".

Broj 07-05-11-30831-5/20  
21. decembra 2020. godine  
Sarajevo

Privremeni vršilac  
funkcije ministra  
Prof. dr. **Jasmin Halebić**, s. r.

#### Ministarstvo za rad, socijalnu politiku, raseljena lica i izbjeglice Kantona Sarajevo

Na osnovu čl. 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 11. stav (3) Zakona o zaštiti ličnih podataka ("Službeni glasnik BiH", br. 49/06, 76/11 i 89/11- Ispravka), ministrica za rad, socijalnu politiku, raseljena lica i izbjeglice Kantona Sarajevo donosi

#### PRAVILNIK

#### O PROVOĐENJU ZAKONA O ZAŠTITI LIČNIH PODATAKA U MINISTARSTVU ZA RAD, SOCIJALNU POLITIKU, RASELJENA LICA I IZBJEGLICE KANTONA SARAJEVO

##### I. Opće odredbe

Član 1.  
(Predmet)

Ovim pravilnikom propisuju se pravila i procedure za primjenu osnovnih principa zakonite obrade ličnih podataka u

Ministarstvu za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo), postupak davanja ličnih podataka trećoj strani i prijenos podataka u inostranstvo, pravila za ostvarivanje prava nosioca podataka, način i postupak vođenja evidencija propisanih Zakonom o zaštiti ličnih podataka ("Službeni glasnik BiH", br. 49/06, 76/11 i 89/11- Ispravka) (u daljem tekstu: Zakon), te postupak donošenja Plana sigurnosti podataka u Ministarstvu.

Član 2.  
(Definicija)

Izrazi koji se koriste u ovom pravilniku imaju isto značenje kao u Zakonu.

**II. Primjena osnovnih principa zakonite obrade ličnih podataka**

Član 3.  
(Zbirke ličnih podataka)

Ministarstvo vodi sljedeće zbirke ličnih podataka:

- a) Evidencija o ugovorima o djelu zaključenim između Ministarstva i trećih lica;
- b) Evidencija o provođenju konkursne procedure za imenovanje i razrješenje predsjednika i članova upravnih i nadzornih odbora javnih ustanova iz oblasti rada, socijalne politike, raseljenih lica i izbjeglica čiji je osnivač Kanton Sarajevo (u daljem tekstu: ustanove);
- c) Evidencija o provođenju konkursne procedure za imenovanje i razrješenje direktora ustanova;
- d) Evidencija o svim postupcima po ličnim zahtjevima, molbama stranaka i podaci dostavljeni od strane drugih pravnih lica, a koji se odnose na propisane nadležnosti u oblasti socijalne zaštite;
- e) Evidencija o provođenju postupka dodjele jednokratne novčane pomoći u tekućoj budžetskoj godini;
- f) Evidencija o svim postupcima koji se u skladu sa Zakonom o izbjeglicama iz Bosne i Hercegovine i raseljenim osobama u Bosni i Hercegovini ("Službeni glasnik BiH", br. 23/99, 21/03 i 33/03), Zakonom o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine ("Službene novine Federacije BiH", broj 15/05), Zakonom o raseljenim osobama - prognanicima i izbjeglicama - povratnicima u Kantonu Sarajevo ("Službene novine Kantona Sarajevo", broj 27/05 - Prečišćeni tekst) i podzakonskim aktima, vode po ličnim zahtjevima ili zahtjevima drugih organa, a odnose se na prava raseljenih lica i povratnika;
- g) Evidencija o drugostepenim upravnim postupcima vezanim za ostvarivanje prava u skladu sa Zakonom o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 45/16 i 40/18) (u daljem tekstu: Zakon o osnovama socijalne zaštite), Zakonom o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst i 38/16, 44/17 i 28/18) (u daljem tekstu: Zakon o socijalnoj zaštiti), te podzakonskim aktima;
- h) Evidencija o postupcima revizije u skladu sa Zakonom o osnovama socijalne zaštite i Zakonom o socijalnoj zaštiti, te podzakonskim aktima;

- i) Evidencija o ostvarenim pravima iz oblasti socijalne zaštite iz Zakona o socijalnoj zaštiti i podzakonskih akata;
- j) Evidencija o pravima po osnovu zaštite porodice sa djecom iz Zakona o socijalnoj zaštiti;
- k) Evidencija o pravima po osnovu zaštite civilnih žrtava rata iz Zakona o osnovama socijalne zaštite;
- l) Evidencija o postupcima po zahtjevu za pristup informacijama podataka na osnovu zahtjeva u skladu sa Zakonom o slobodi pristupa informacijama u Federaciji Bosne i Hercegovine ("Službene novine Federacije BiH", br. 32/01 i 48/11);
- m) Evidencija o postupcima po zahtjevu za utvrđivanje reprezentativnosti u skladu sa Zakonom o radu ("Službene novine Federacije BiH", br. 26/16 i 89/18);
- n) Evidencija o postupcima supervizije u ustanovama socijalne zaštite u Kantonu Sarajevo u skladu sa Zakonom o socijalnoj zaštiti i Pravilnikom o provođenju supervizije u ustanovama socijalne zaštite u Kantonu Sarajevo ("Službene novine Kantona Sarajevo", broj 44/19) (u daljem tekstu: Pravilnik o superviziji);
- o) Evidencija o postupcima donošenja rješenja o utvrđivanju općih i posebnih uslova za osnivanje ustanova socijalne zaštite u Kantonu Sarajevo u skladu sa Zakonom o socijalnoj zaštiti i Pravilnikom o općim i posebnim uslovima za osnivanje ustanova socijalne zaštite ("Službene novine Kantona Sarajevo", br. 24/10, 46/15 i 9/16) (u daljem tekstu: Pravilnik o osnivanju ustanova socijalne zaštite).

Član 4.  
(Svrha obrade)

Svrha obrade ličnih podataka sadržanih u zbirka ličnih podataka iz člana 3. ovog pravilnika proizilazi iz zakona i drugih propisa koji predstavljaju pravni osnov za njihovu obradu i to:

- a) Lični podaci u Evidenciji iz člana 3. stava (1) tačke a) ovog pravilnika obrađuju se vezano za regulisanje obavljanja poslova koji nisu regulisani važećim Pravilnikom o unutrašnjoj organizaciji Ministarstva za rad, socijalnu politiku, raseljena lica i izbjeglice Kantona Sarajevo;
- b) Lični podaci u Evidenciji iz člana 3. stava (1) tačke b) ovog pravilnika obrađuju se vezano za imenovanja i razrješenja predsjednika i članova upravnih i nadzornih odbora ustanova, u skladu sa Zakonom o ustanovama ("Službeni list R BiH", br. 06/92, 08/93 i 13/94) (u daljem tekstu: Zakon o ustanovama), Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03, 65/13) (u daljem tekstu: Zakon o imenovanjima), Zakonom o socijalnoj zaštiti, Zakonom o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", br. 04/04, 29/09 i 18/13) (u daljem tekstu: Zakon o posredovanju u zapošljavanju), osnivačkim aktima ustanova, Odlukom o standardima i kriterijima za imenovanje na poziciju predsjednika i članova upravnog odbora i predsjednika i članova nadzornog odbora javnih ustanova iz oblasti rada, socijalne politike, raseljenih lica i izbjeglica Kantona Sarajevo ("Službene novine Kantona Sarajevo", br. 22/13,

- 51/15 i 11/17) (u daljem tekstu: Odluka o standardima i kriterijima za imenovanje);
- c) Lični podaci u Evidenciji iz člana 3. stava (1) tačke c) ovog pravilnika obrađuju se vezano za imenovanja i razrješenja direktora ustanova, u skladu sa Zakonom o ustanovama. Zakonom o imenovanjima, Zakonom o socijalnoj zaštiti, Zakonom o posredovanju u zapošljavanju i osnivačkim aktima ustanova;
- d) Lični podaci u Evidenciji iz člana 3. stava (1) tačke d) ovog pravilnika obrađuju se vezano za osiguranje socijalne sigurnosti građana i porodica u stanju socijalne potrebe i utvrđivanja prava koja su propisana zakonom ili su utvrđena od strane kontrolora, uz saglasnost nosioca podataka ili kada je u pitanju javni interes;
- e) Lični podaci u Evidenciji iz člana 3. stava (1) tačke e) ovog pravilnika obrađuju se vezano za osiguranje socijalne sigurnosti građana i porodica u stanju socijalne potrebe i utvrđivanje prava koja su propisana zakonom ili su utvrđena od strane kontrolora, uz saglasnost nosioca podataka ili kada je u pitanju javni interes;
- f) Lični podaci u Evidenciji iz člana 3. stava (1) tačke f) ovog pravilnika obrađuju se vezano za osiguranje socijalne sigurnosti građana i porodica u stanju socijalne potrebe i utvrđivanje prava koja su propisana zakonom ili su utvrđena od strane kontrolora, uz saglasnost nosioca podataka ili kada je u pitanju javni interes;
- g) Lični podaci u Evidenciji iz člana 3. stava (1) tačke g) ovog pravilnika obrađuju se vezano za ponovno rješavanje o određenom pravu, u skladu važećim zakonskim i podzakonskim propisima;
- h) Lični podaci u Evidenciji iz člana 3. stava (1) tačke h) ovog pravilnika obrađuju se vezano za rješavanja o određenom pravu, u skladu sa gore navedenim zakonskim i podzakonskim propisima;
- i) Lični podaci u Evidenciji iz člana 3. stava (1) tačke i) ovog pravilnika obrađuju se vezano za kontrole isplate sredstava namijenjenih licima koja su ostvarila pravo na stalnu novčanu pomoć, jednokratnu novčanu pomoć i izuzetnu novčanu pomoć iz Zakona o osnovama socijalne zaštite i Zakona o socijalnoj zaštiti;
- j) Lični podaci u Evidenciji iz člana 3. stava (1) tačke j) ovog pravilnika obrađuju se vezano za kontrole isplate sredstava namijenjenih licima koja su ostvarila pravo po osnovu zaštite porodice sa djecom iz Zakona o osnovama socijalne zaštite i Zakona o socijalnoj zaštiti;
- k) Lični podaci u Evidenciji iz člana 3. stava (1) tačke k) ovog pravilnika obrađuju se vezano za kontrole isplate sredstava namijenjenih licima koja su ostvarila pravo po osnovu zaštite civilnih žrtava rata iz Zakona o osnovama socijalne zaštite;
- l) Lični podaci u Evidenciji iz člana 3. stava (1) tačke l) ovog pravilnika obrađuju se vezano za ostvarivanje prava na pristup traženim informacijama po Zakonu o pristupu informacijama;
- m) Lični podaci u Evidenciji iz člana 3. stava (1) tačke m) ovog pravilnika obrađuju se vezano za utvrđivanje reprezentativnosti u skladu sa Zakonom o radu;

- n) Lični podaci u Evidenciji iz člana 3. stava (1) tačke n) ovog pravilnika obrađuju se vezano za certificiranje supervizora u skladu sa Zakonom o socijalnoj zaštiti i Pravilnikom o superviziji;
- o) Lični podaci u Evidenciji iz člana 3. stava (1) tačke o) ovog pravilnika obrađuju se vezano za utvrđivanje ispunjenosti uslova za osnivanje ustanova socijalne zaštite u Kantonu Sarajevo u skladu sa Zakonom o socijalnoj zaštiti i Pravilnikom o osnivanju ustanova socijalne zaštite.

## Član 5.

(Obim obrađivanja podataka)

Podatke u zbirkama ličnih podataka iz člana 3. ovog pravilnika Ministarstvo obrađuje u obimu koji je utvrđen u propisima koji predstavljaju pravni osnov za vođenje ovih evidencija.

## Član 6.

(Tačnost i autentičnost)

- (1) Državni službenik ili namještenik Ministarstva dužan je pravovremeno ažurirati podatke u zbirkama ličnih podataka iz člana 3. ovog pravilnika na osnovu relevantne dokumentacije i osigurati dokaze o porijeklu ličnih podataka.
- (2) Obrada ličnih podataka u Evidenciji iz člana 3. stava (1) tač. a), b) i c) ovog pravilnika vrši se u izvan organizacionoj jedinici.
- (3) Obrada ličnih podataka u Evidenciji iz člana 3. stava (1) tač. d), e) i f) ovog pravilnika vrši se u Sektoru za socijalnu politiku.
- (4) Obrada ličnih podataka u Evidenciji iz člana 3. stava (1) tač. g), h), i), j), k), l) i m) ovog pravilnika vrši se u Sektoru za finansijsko - računovodstvene i pravne poslove.
- (5) Obrada ličnih podataka u Evidenciji iz člana 3. stava (1) tač. n) i o) ovog pravilnika vrši Komisija za certificiranje supervizora i Komisija za utvrđivanje ispunjavanja općih i posebnih uslova za osnivanje ustanova socijalne zaštite (Komisija za prvostepeno rješavanje).

## Član 7.

(Rokovi za obradu podataka)

Rokovi za obradu podataka u zbirkama ličnih podataka iz člana 3. ovog pravilnika određeni su u Listi kategorije registraturne i arhivske građe sa rokovima čuvanja u Ministarstvu.

## Član 8.

(Obrada podataka u statističke, arhivske i naučne svrhe)

- (1) Nakon isteka vremenskog perioda koji je neophodan za ispunjavanje svrhe u koju su podaci prikupljeni, ti podaci mogu se obrađivati samo u statističke, arhivske i naučne svrhe. Podaci prikupljeni i pohranjeni u te svrhe neće se koristiti u druge svrhe.
- (2) Lični podaci mogu biti obrađivani za potrebe statistike, arhive i nauke bez saglasnosti nosioca podataka. Čim se završi obrada podataka u ove svrhe, podaci moraju biti učinjeni anonimnim.
- (3) Kada se koriste lični podaci u ove svrhe, neophodno je da se poštuje pravo na zaštitu privatnosti i ličnog života nosioca podataka.

**III. Davanje ličnih podataka trećoj strani i prijenos podataka u inostranstvo**

## Član 9.

(Obavještanje o prikupljanju podataka)

Kontrolor podataka prije početka prikupljanja podataka obavještava nosioca podataka, ako on o tome već nije obaviješten, o sljedećem:

- a) o svrsi obrade;
- b) o kontroloru, prijemnom organu ili trećoj strani kojoj će podaci biti dostupni;
- c) o zakonskoj obavezi dostavljanja podataka za obradu;
- d) o posljedicama u slučaju da nosilac podataka odbije tako postupiti;
- e) o slučajevima u kojima nosilac podataka ima pravo odbiti dostaviti lične podatke;
- f) o tome da li je pribavljanje ličnih podataka na dobrovoljnoj osnovi;
- g) o postojanju prava pristupa i prava ispravke podataka koji se na njega odnose.

**Član 10.**

(Izvor ličnih podataka)

Ako kontrolor nije pribavio lične podatke od nosioca podataka dužan je, bez odlaganja, obavijestiti nosioca podataka o tome ko je treća strana koja je kontroloru dostavila lične podatke.

**Član 11.**

(Davanje ličnih podataka trećoj strani)

Davanje podataka sadržanih u zbirkama ličnih podataka iz člana 3. ovog pravilnika trećoj strani se vrši u skladu sa članom 17. Zakona.

**Član 12.**

(Prenos podataka u inostranstvo)

Podatke iz zbirki ličnih podataka iz člana 3. ovog pravilnika, Ministarstvo neće prenositi u inostranstvo u skladu sa članom 18. Zakona.

**Član 13.**

(Obaveza čuvanja tajnosti podataka)

- (1) Zaposleni kod kontrolora ili obrađivača i ostala lica koja rade na obradi ličnih podataka na osnovu ugovora s kontrolorom ili obrađivačem mogu obrađivati lične podatke samo pod uslovima i u obimu koje odrede kontrolor ili obrađivač.
- (2) Zaposleni kod kontrolora ili obrađivača, ostala fizička lica koja obrađuju lične podatke na osnovu ugovora zaključenog s kontrolorom ili obrađivačem i ostala lica koja, u okviru primjene zakonom propisanih prava i obavljanja dužnosti, dođu u kontakt s ličnim podacima u prostorijama kontrolora ili obrađivača, dužna su čuvati tajnost ličnih podataka i pridržavati se utvrđenog načina osiguranja.
- (3) Lični podaci koje obrađuju kontrolor ili obrađivač podataka za zaposlene predstavljaju službenu tajnu.
- (4) Obaveza čuvanja tajnosti ličnih podataka ostaje na snazi i nakon prestanka radnog odnosa, odnosno određenog zadatka.
- (5) Oslobođanje od obaveze čuvanja tajnosti ličnih podataka može se propisati samo zakonom.

**IV. Ostvarivanje prava nosioca podataka****Član 14.**

(Postupak po zahtjevu nosioca podataka)

- (1) Po prijemu zahtjeva nosioca podataka, koji se odnosi na informacije u vezi obrade njegovih ličnih podataka, Ministarstvo nosiocu podataka u roku od 30 dana dostavlja odgovor jednom godišnje bez naknade, u skladu sa članom 25. stav (1) Zakona.
- (2) Osim dostavljanja informacije nosiocu podataka jednom godišnje bez naknade, Ministarstvo uz odgovarajuću naknadu, nosiocu podataka dostavlja informacije u bilo koje vrijeme, u skladu sa članom 25. stav (2) Zakona.
- (3) Ministarstvo može odbiti zahtjev nosioca podataka, koji se odnosi na informacije u vezi obrade njegovih ličnih

podataka, kada je ispunjen jedan od slučajeva propisan u članu 28. Zakona.

**Član 15.**

(Ispravke i brisanje podataka)

Ministarstvo obavještava nosioca podataka i druga lica, kojima su preneseni podaci, o eventualnim ispravkama i brisanju tih podataka ako se time ne narušava opravdan interes nosioca podataka, u skladu sa članom 27. Zakona.

**V. Evidencije iz Zakona****Član 16.**

(Evidencija o zbirkama ličnih podataka)

- (1) Ministarstvo vodi evidenciju o svakoj zbirci ličnih podataka iz člana 3. ovog pravilnika, u skladu sa članom 13. Zakona.
- (2) Evidencija iz stava (1) ovog člana sadrži osnovne informacije o svakoj zbirci ličnih podataka i vodi se na obrascu evidencije koji je propisan Pravilnikom o načinu vođenja i obrascu evidencije o zbirkama ličnih podataka ("Službeni glasnik BiH", broj 52/09).

**Član 17.**

(Evidencija o davanju ličnih podataka trećoj strani)

- (1) Ministarstvo vodi evidenciju o ličnim podacima koji su dati trećoj strani i svrsi za koju su dati, u skladu sa članom 17. stav (5) Zakona.
- (2) Evidencija iz stava (1) ovog člana vodi se u elektronskom obliku, na obrascu broj 1. koji je sastavni dio ovog pravilnika.

**Član 18.**

(Evidencija o odbijenim zahtjevima nosioca podataka)

- (1) Ministarstvo vodi evidenciju o odbijenim zahtjevima nosioca podataka u skladu sa članom 26. Zakona.
- (2) Evidencija iz stava (1) ovog člana vodi se u elektronskom obliku na obrascu broj 2. koji je sastavni dio ovog pravilnika.

**Član 19.**

(Službenik zadužen za vođenje evidencije)

Evidencije iz čl. 16., 17. i 18. ovog pravilnika vode ovlašteni državni službenici/namještenici.

**VI. Plan sigurnosti****Član 20.**

(Postupak donošenja Plana sigurnosti)

- (1) Ministarstvo donosi Plan sigurnosti, koji sadrži tehničke i organizacione mjere za sigurnost podataka koji se obrađuju u Ministarstvu, u skladu sa propisom koji uređuje način čuvanja i posebne mjere tehničke zaštite.
- (2) Procjenu adekvatnosti tehničkih i organizacionih mjera zaštite ličnih podataka vrši Stručni kolegij Ministarstva najmanje jednom godišnje.

**Član 21.**

(Oslobođanje od odgovornosti)

- (1) Ministarstvo može osloboditi kontrolora podataka odgovornosti ako dokaže da nije mogao spriječiti povredu prava nosioca podataka koju je prouzrokovalo lice koje radi na obradi ličnih podataka.
- (2) Nosilac podataka, i pored toga, može zahtijevati od kontrolora ili obrađivača da obustavi nepravilnosti, ispravi nezakonito prouzrokovano činjenično stanje, izvrši ispravku, dopunu, blokadu ili uništi lične podatke.

## VII. Završne odredbe

Član 22.  
(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 13-04/2-02-47625/20  
30. decembra 2020. godine  
Sarajevo

Ministrica  
Jasna Agić, s. r.

Bosna i Hercegovina  
Federacija Bosne i Hercegovine  
Kanton Sarajevo  
Ministarstvo za rad, socijalnu politiku, raseljena lica i izbjeglice  

---

(organizaciona jedinica)

Obrazac br. 1.

EVIDENCIJA O LIČNIM/OSOBNIM PODACIMA DATIM NA KORIŠTENJE TREĆOJ STRANI  
I SVRSI ZA KOJU SU LIČNI/OSOBNI PODACI DATI

Redni Broj	Zaposlenik koji obrađuje lične/osobne podatke (ime i prezime, radno mjesto, org. jedinica)	Datum davanja Ličnih/osobnih podataka	Vrsta ličnih/osobnih podataka koji se daju na korištenje	Pravni osnov i svrha za koju se lični/osobni podaci daju	Napomena
1.					
2.					
3.					

Bosna i Hercegovina  
Federacija Bosne i Hercegovine  
Kanton Sarajevo  
Ministarstvo za rad, socijalnu politiku, raseljena lica i izbjeglice  

---

(organizaciona jedinica)

Obrazac br. 2.

EVIDENCIJA O ODBIJENIM ZAHTEJIMA NOSILACA LIČNIH/OSOBNIH PODATAKA ZA PRUŽANJE INFORMACIJE  
U VEZI S OBRADOM NJEGOVIH LIČNIH/OSOBNIH PODATAKA

Redni Broj	Ime i prezime nosioca ličnih/osobnih podataka	Broj i datum zahtjeva	Sadržaj zahtjeva	Broj i datum Rješenja o odbijanju zahtjeva	Razlog odbijanja zahtjeva	Napomena
4.						
5.						
6.						